

تورک یوردی

تورک ادب قلمچى ناسر افشارى آيلو مجموعه در

جلد : ۱ - ۲۱

شباط ۱۹۲۸
اوندیجی سنه

سای : ۲ - ۱۹۶

مُصاحَبَه

فکر و صنعت آنقره سی

—•••—

لیسه لر ، دارالفنونلر ، دارالمعلمینلر ، ملی
کتبخانه ، دولتک یارذیم ایتدیکی هر نوع فکر
و صنعت مؤسسه لر ، ایشته یکی کزیده لر صنعتی
یتیشدیره جک یکی محیطک عمل طاشلری بونلردر .

استقبالی یاپه جق اولانلر اسمر وچتین آنقره
قلعه سندن وطنک هر گوشه سنه صباح کونشنک
شعاعلری کبی داغیلاجقدر .

« تورک یوردی » نک آنقره ده ، بوراده
قورولار ، بوراده یازیلار ، بوراده باصیلار
انتشاری بی تکرار بواسکی رؤیانک سرمستیلری
ایچنه آتدی : حالا هر طرفدن انحطاط و شبهه ، تشوش
وامید سزلک صیران چورومش محیطلره ترک ایتدی کمز
ذکالری دوشوندم .

تورک فکر عالمک بویوک یورغونلنی ، معارف
وکیلک دوشوندیکی مصطفی کمال مؤسسه لر [دارالفنون ،
ودیکر عرفان و صنعت مؤسسه لر] آنقره ده
قورولونجه یه قدر دوام ایده جک ..

آنقره ده فکر آدم لرنک اهمیت ویره جکی شیلردن
بری ، خجیع آثار عتیقه قتالک شیمیدین اوکنه
کچمکدر . صوفیه ده تورکلردن قالمه برینا انقاضنک ،
صرف شهرک اسکیلک تنقاسی اولار ، ناصل اعتنا
ایله محافظه اولوندیغنی کورومش ویا ایشیتمش سکزدر ..
انشا ایتدی کمز یپ یکی آنقره شهری ، قلعه و قدیم
رومانلر لیلک تاریخی شهرلرک جاذبه سنی قازانه بیایر .
مع التأسف غرب مدنیتی بنمسه ین تورکلر آره سنده ،

آنقره سوقاقلرنده دولاشیرکن هیچ مراق
ایدرمیسکز : آناتولینک ، بردکیز کبی بوش ، ایلک
یشیل ساحلی درت طرفدن یوزلرجه کیلو مترو
اوزاقله بولونان واسع چوللری اورته سنده بوشهرک
سجیه سی و طاللی نه اولاجقدر ؟

خرابه و انقاض ، وطنک هریری کبی ، خرابه
و انقاض ایچنده چیرپینان چتین و شوقی براراده ،
وطنک هریرده اولدینی کبی ، برشهر باشلانغیجی ،
یکی تورک مملکتک هریرده باشلاپیشی کبی ، آنقره
تورک دولتنک یالکیز مرکزی دکل ، تورک
ئیده آلیستلرنک بتون تجربه و تشبیلرنک تمثالی در .
شونظریه الک ایی آنقره ده تطبیق اولونه بیلیر :

« یکی بر محیط ایچنده یکی بر کزیده لر صنعتی .. »
بتون وطن ، وطنک هرایشی ، آنقره ده تربیه
کورن اراده لره محتاجدر . اسکی تربیه بی بتون
قصورلرندن ، ضعفلرندن آنجق آنقره مؤسسه لرنده
تصفیه ایده بیلیرز .

خام و صارت طوبراق ، قورو هوا ، هر تورلو
شرائطک مبادی مقاومتی ایله سوره کلی بر اراده
وعزم غوغاسی ، تثبیت جسارتی ، نانکور عناصرله
بوغوشان نیکین برعزم و شعورلی بر ایمان ، آنقره نک
منظره سی ، کندیسی ، آنقره نک دوغوشی و یا شاپیشی
شیمیدی یه قادیار آنجق پک نادران ذجلرینی کوردیکمز
وطن چوجفتک ذی حیات مکتبی در .

آنقره بو شرائط ایچنده متواضع بر مأمورلر شهری
دکل ، فقط جانلی و حاکم بر عرفان قایناغی اولملی در .

اسکی یونانیلکی رومقله ، اسکی رومای موصولینی
ایتالیاسیله قاریشدی رارق ، نادیده مہمد ستونلرینی
اوتل تمللرینه آتالار وهرهانکی بریازیلی روماطلاشی
غیب اولدینی وقت ممنونیت حس ایدہ نلروار .

آنقرہده کی اسکی طاشلری قورتارملریز .

یکی شهر شوسہ سی آلتندہ نیجه ستونلر یاتیور :
اگر بونلردن برینی قازوب چیقارمق ایسترسہ کز ،
آتار عتیقه خرسزلرینک جزاسنی کورورسکیز ؛
بوستونلرک اوزرندن ظالم سیلندیرینی کچرہن شهرامانندہ
نہدیملی ؟

مزارلقلر آره سنده ، بنا تمللری آلتندہ ، طوبراق
ییفیناری ایچندہ اونوتدینمز بو طاشلردن هربری
برقاعده نک اوزرندہ ، قریه لک آبدہ سندن قیمتی

بر اثر اولور .

برکون روسی صنعت سوداسیله یاتان برنسل ،
ایسترمیسکیز ، میلوئلر صرف ایستدیکمز بانکہ بنالرینی
بیقہرق اسکی طاشلر آراسین ؟

آنقرہ انشا ایدیلرکن تمل حفریاتنه بر آتار عتیقه
متخصصی مساعده ویرملی ایدی .

بومصاحبه ایله ، بعض غرنہ لردہ صرف عملی نقطه
نظزلردن تدقیق اولونان آنقرہ تأسنی ، برباشقه
نقطه نظردن ، « تورک یوردی » ندہ تدقیق ایستدیرمک
چیغیرینی آچقی ایستہدم : فکر و صنعت آنقرہ سی ،
آنقرہ ، یکی تورک دولتنک عرفان مرکزى !

فالح رفقی

